



অবিলম্বে প্রকাশের উদ্দেশ্যে: 9/19/2021

গভর্নর ক্যাথি হোচুল

গভর্নর হোচুল স্কুল বাসের চালক সংকট মোকাবেলায় স্টেটের পদক্ষেপ ঘোষণা করেছেন

স্টেট নিউ ইয়র্ক স্টেটের 550,000 এর বেশি বাণিজ্যিক লাইসেন্সধারীদের কাছে পৌঁছানোর জন্য প্রচারণা চালু করছে

গভর্নর স্কুলগুলিকে সমর্থন করার জন্য স্টেট এজেন্সিগুলিকে সৃজনশীল উপায় ব্যবহারের নির্দেশ দিয়েছেন

**চালক নিয়োগ এবং বাণিজ্যিক ড্রাইভারস লাইসেন্স পরীক্ষা সাইট বৃদ্ধি**

গভর্নর ক্যাথি হোচুল আজকে স্টেটজুড়ে স্কুলগুলিকে ক্ষতিগ্রস্ত করা স্কুল বাসের চালক সংকট মোকাবেলায় একাধিক-এজেন্সি পরিকল্পনা ঘোষণা করেছেন। পরিকল্পনার মধ্যে রয়েছে গতানুগতিক এবং অগতানুগতিক বাণিজ্যিক ড্রাইভারস লাইসেন্স (Commercial Driver's License, CDL) ধারীদের নিয়োগের ক্ষেত্রে বাধা অপসারণ, CDL পরীক্ষার সুযোগ এবং প্রক্রিয়া বৃদ্ধির মত স্বল্পকালীন পদক্ষেপ, যার সবগুলির নকশা করা হয়েছে স্কুল বাসের চালক বৃদ্ধির লক্ষ্যে। উপরন্তু, নিউ ইয়র্ক স্টেট নিউ ইয়র্ক স্টেটের 550,000 এর বেশি CDL লাইসেন্সধারীদের কাছে পৌঁছানোর জন্য প্রচারণা চালু করছে।

দীর্ঘকালীন পদক্ষেপগুলির মধ্যে রয়েছে চালকদের প্রশিক্ষণ এবং লাইসেন্স প্রদান, এবং বাস চালক পেশায় আরও প্রশস্ততর নিয়োগ।

"আমাদের স্কুল এবং গণস্বাস্থ্য কর্মকর্তারা এই বছর আমাদের সন্তানদের সশরীরে শিক্ষা পাওয়া নিশ্চিত করতে পাহাড় পরিমাণ কাজ করেছেন, এবং শিক্ষার্থীদের স্কুলে আনা নেওয়া করতে স্কুলগুলির যেন যথেষ্ট সংখ্যক বাস থাকে তা নিশ্চিত করতে আমরা কোন পদক্ষেপই বাদ রাখবো না," **গভর্নর হোচুল বলেন।** "যদিও, স্কুল বাসের চালক স্বল্পতা নিউ ইয়র্ক স্টেটের জন্য অনন্য সমস্যা নয়, আমি স্টেটের এজেন্সিগুলিকে সৃজনশীল উপায় ব্যবহারের এবং তাদের কাছে থাকা সকল কৌশল ব্যবহার করে বাস চালক সংকটে ক্ষতিগ্রস্ত স্কুল ডিসট্রিক্টকে সহায়তা করতে নির্দেশ দিয়েছি, যাতে আমরা যত দ্রুত সম্ভব সবচেয়ে বেশি সংখ্যক যোগ্যতাসম্পন্ন বাস চালক আনতে পারি।"

গভর্নর হোচুল স্টেটের এজেন্সিগুলিকে একাধিক-সংগঠনের নিয়োগ ক্ষমতা ব্যবহার করে CDL চালকদের স্কুল বাসের চালক হতে উৎসাহিত করতে নির্দেশ দিয়েছেন। আগ্রহী চালকগণের

জরিপ করা হবে এবং এরপর তাদের তথ্য স্থানীয় স্কুল ডিসট্রিক্টের সাথে ভাগাভাগি করা হবে যারা চালক খুঁজছে। স্কুলগুলি তাদের এলাকার আগ্রহী চালকদের নিয়োগ দিতে এই তালিকা ব্যবহার করতে পারবে। পাশাপাশি, স্টেট ডিপার্টমেন্ট অফ লেবারের (Department of Labor, DOL) এর মাধ্যমে বর্তমানে বেকার চালকদের টার্গেট করবে। স্টেট আইনশৃঙ্খলা রক্ষাকারী বাহিনী, দমকল কর্মী, মিলিটারি এবং অন্যান্য সংগঠনে অংশীদারদের সাথে কাজ করবে যাদের প্রশিক্ষিত চালক রয়েছে যাতে স্কুল বাস চালক হতে আগ্রহী ব্যক্তিদের খুঁজে পাওয়া যায়।

যারা একটি বাণিজ্যিক ড্রাইভারস লাইসেন্স পেতে চান, তারা [এখানে](#) তথ্য পেতে পারেন।

উপরন্তু, মোটর যান দপ্তর (Department of Motor Vehicles, DMV) পারমিট পরীক্ষা এবং রাস্তায় পরীক্ষার মাঝের 14 দিনের বিরতি অপসারণ করে CDL সমাপ্তকরণ ত্বরান্বিত করেছে। কাউন্টি পরিচালিত DMV গুলির বাড়তি সহায়তায় স্টেট লিখিত পরীক্ষা এবং রাস্তায় পরীক্ষা করার ক্ষমতা বৃদ্ধি করতে সাহায্য করবে।

স্টেট ইউনিভার্সিটি অফ নিউ ইয়র্কের (State University of New York, SUNY), থ্রুওয়ে অথরিটি (Thruway Authority) নিউ ইয়র্ক রেসিং অ্যাসোসিয়েশন (New York Racing Association, NYRA) অফিস অফ জেনারেল সার্ভিসেস (Office of General Services, OGS) এর সাথে অংশীদারিত্বের মাধ্যমে স্টেট নতুন CDL ড্রাইভিং লাইসেন্স পরীক্ষা সাইট খুলছে। যেসব স্কুল কর্মচারীদের বর্তমানে CDL রয়েছে, তাদের জন্য স্টেট ভ্যান এবং বাস চালনার অস্থায়ী পারমিট পাওয়ার জন্য ত্বরান্বিত পরীক্ষার ব্যবস্থা করবে।

স্টেট দীর্ঘকালীন কৌশল যা স্কুলের জন্য আরও বাস চালক নিয়োগ করতে এবং ধরে রাখতে সক্ষম করবে তা নির্ধারণে স্টেকহোল্ডারদের সাথে আলোচনা চালিয়ে যাচ্ছে। এর মধ্যে রয়েছে চালকদের নিয়োগ এবং প্রশিক্ষণের জন্য বিকল্প লাইসেন্সিং কর্তৃপক্ষ এবং অন্যান্য স্টেট এজেন্সির সাথে অংশীদারিত্ব।

স্টেট স্কুলগুলিকে সৃজনশীল এবং উদ্ভাবনী পন্থা অবলম্বন করে স্কুল বাসের চালকদের বিভিন্ন সুবিধা প্রদানে উৎসাহিত করেছে যা আগে বিবেচনা করা হয়নি। এর মধ্যে রয়েছে সাইনিং এবং রিটেনশন বোনাস, চালকদের জন্য সুবিধা বৃদ্ধি এবং জাতীয়ভাবে প্রতিযোগিতামূলক বাজারে চালক নিয়োগের জন্য অন্যান্য বিকল্প। স্কুলগুলি এই সুবিধা প্রদান করতে ফেডারেল তহবিল ব্যবহার করতে পারবে। অনেক স্কুল ডিসট্রিক্ট এই তহবিলগুলির উল্লেখযোগ্য অংশ স্টেটের কাছ থেকে ভর্তুকি হিসাবে পায় এবং স্থানীয় পর্যায়ে সম্পূর্ণ খরচ বহন না করেই আরও প্রতিযোগিতামূলক বেতন দেওয়ার যোগ্যতা রাখে।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবন্ধাইব করুন](#)